

IBRAHIM BEGANOVIĆ, geometar



Dana 07.02.2016. godine zauvijek nas je napustio naš dragi kolega Ibrahim Beganović. Rođen je 05.10.1959. godine u Pećigradu, općina Cazin. Osnovnu školu je završio u rodnom Pećigradu, nakon koje upisuje srednju geodetsku tehničku školu u Sarajevu, koju uspješno završava 1978. godine i stiče zvanje geodetskog tehničara – geometra. Po završetku srednje škole zasniva radni odnos u Opštinskoj geodetskoj službi opštine Cazin, gdje nakon odrađenog pripravničkog staža obavlja poslove referenta za održavanje premjera i katastra zemljišta. Sticajem okolnosti Ibrahim se zatekao u općinskoj službi u vrijeme kada se na području općine Cazin vršila uspostava katastra zemljišta i prelazak sa starog na novi

katastarski operat. Kao direktni učesnik tog procesa u svom daljem radu nesebično je dao veliki doprinos u samom radu i prevazilaženju problema neusaglašenosti starog i novog katastarskog operata, ali i očuvanju principa geodetske struke i nauke. U toku agresije na Bosnu i Hercegovinu bio je pripadnik 5. korpusa i to 503. Slavne brdske brigade, gdje nakon demobilizacije nastavlja raditi u organu uprave. Porodični život proveo je u Cazinu sa suprugom Mirzom sa kojom je podigao troje djece, sina Ibrahima i kćeri Maidu i Aidu.

Kolega Ibrahim je bio vrstan kolega i stručnjak, ali nadasve pravi prijatelj i domaćin. Njegovim odlaskom struka i Služba je izgubila mnogo, a mi koji smo ga poznavali izgubili smo pravog i iskrenog prijatelja. Kolega Ibrahim je preselio nakon jako kratke i teške bolesti u svojoj porodičnoj kući u Cazinu. Ispraćen je od strane velikog broja svojih rođaka, kolega, saboraca, prijatelja i sugrađana na svoj posljednji počinak u porodičnom mezarju u Pećigradu. Uvijek će ostati u našim sjećanjima onakav pun pozitivnog duha i entuzijazma kakav je i bio, neka mu je vječni rahmet i lahka zemlja.

Eldin Sadiković